

**CONVENIO ENTRE A UNIVERSIDADE DE SANTIAGO DE COMPOSTELA E O
CONCELLO DE SANTIAGO PARA A REALIZACIÓN DE ACTIVIDADES NO ÁMBITO
DA EDUCACIÓN NON FORMAL E DE CONVIVENCIA DO PROGRAMA
UNIVERSITARIO DE MAIORES IV CICLO.**

Santiago de Compostela, na data da sinatura dixital.

COMPARECEN

Dunha parte, a Excm. Sra. Dona Goretti Sanmartín Rei, que actúa en nome e representación do CONCELLO DE SANTIAGO, do que é Alcadesa. E da outra parte, Excm.e Magfco. Sr. Antonio López Díaz, reitor da Universidade de Santiago de Compostela, que actúa en nome e representación desta institución en virtude das facultades que lle confire a Lei orgánica 2/2023, do 22 de marzo do Sistema Universitario e do Decreto 14/2014 do 30 de xaneiro, polo que se regulan os Estatutos da Universidade de Santiago de Compostela.

Comparece a primeira en calidade de Alcadesa-Presidenta, en nome e representación do Excmo. Concello de Santiago de Compostela (en adiante Concello), con CIF P-1507900-G, e domicilio na cidade de Santiago de Compostela, Pazo de Raxoi- Praza do Obradoiro, en tanto que o segundo actúa en calidade de reitor da Universidade de Santiago de Compostela con CIF Q1518001 A, e con domicilio no Colexio de San Xerome, Praza do Obradoiro, s/n. CP 15782 de Santiago de Compostela.

Ambos comparecentes recoñécense mutuamente capacidade plena para o presente outorgamento na condición en que respectivamente interveñen e, en consecuencia,

MANIFESTAN

I.- A súa vontade de colaboración para apoiar o Programa Universitario de Maiores, IV Ciclo, que está a promover a Universidade de Santiago de Compostela (USC). Conta cun programa de actividades formativas e culturais que teñen por finalidade a aprendizaxe e a interdisciplinidade no ámbito da educación non formal.

II.- A implicación do Concello de Santiago de Compostela neste proxecto céntrase na súa divulgación e publicidade, cubrindo os gastos que isto ocasiona. Quedando patente, deste xeito o interese que ambas institucións, a Universidade de Santiago e o Concello de Santiago de Compostela, amosan por ter en funcionamento un programa de actividades formativas e culturais que busquen a aprendizaxe e a interdisciplinidade no ámbito da educación non formal. Ademais de ter interese en fomentar a participación cidadá no municipio de Santiago do colectivo de persoas maiores, de cara a responder ás súas necesidades e expectativas.

III.- Ambas as dúas institucións consideran moi conveniente a colaboración mutua co obxecto de mellorar a participación nos procesos formativos do colectivo de persoas maiores, de cara a responder ás súas necesidades e expectativas:

- Promover a incorporación de alumnado maior de 50 anos aos estudos universitarios, favorecendo a súa integración e participación en procesos formativos que respondan ás necesidades e expectativas deste colectivo social.
- Vincular e amplificar a oferta de estudos universitarios, con criterio de interdisciplinariedade e en consonancia cos principios que inspira a educación continuada, como experiencia global que se desenvolve ao longo de toda a vida de cada individuo, subliñando o protagonismo das persoas maiores.
- Posibilitar que as persoas maiores compartan e desenvolvan iniciativas docentes e de extensión cultural, propias do contexto social e institucional universitario, adoptando os criterios organizativos, normativos e metodolóxicos que cumpran para alcanzar ese fin.

CONVEÑEN

I.- Que o presente Convenio ten por obxecto sufragar os custos do deseño, impresión e distribución de material divulgativo do Proxecto “Destacando na Ciencia” programa do IV Ciclo dirixido ao alumnado matriculado no mesmo.

II.- O Concello de Santiago de Compostela achega unha cantidade de 1.000,00 € para sufragar os custos do deseño, impresión e distribución do material divulgativo, e de xestión do Proxecto “Destacando na Ciencia” e para elaboración de material didáctico para o alumnado do programa do IV Ciclo, que o Concello de Santiago de Compostela ten contemplados nos orzamentos do exercicio 2022 prorrogados ao 2023, na aplicación orzamentaria 080 32600 4890002.

O Pleno da Corporación do Concello de Santiago de Compostela, na sesión que tivo lugar o 9 de marzo de 2023 acordou a aprobación do expediente de modificación de crédito extraordinario número 2023-CREXT-01 de subvencións nominativas do exercicio 2023 , onde figura entre outras:

ORG	PROG.	ECONÓMICA	CX	ENTIDADE BENEFICIARIA	NIF	IMPORTE 2022	IMPORTE 2023	OBXECTO
080	32600	4890002	22	UNIVERSIDADE DE SANTIAGO DE COMPOSTELA	Q1518001A	1.000,00	1.000,00	Programa para maiores IV ciclo

III.- A Universidade de Santiago de Compostela, responsabilízase do deseño, impresión e distribución do material divulgativo do Proxecto “Destacando na Ciencia” así como do material didáctico do programa do IV Ciclo dirixido ao alumnado matriculado no mesmo.

IV.- Consonte o artigo 31.1 da Lei 38/2003 considéranse gastos subvencionables aqueles que, de xeito indubidable, respondan á natureza da actividade subvencionada, e se realicen no prazo establecido neste convenio. En ningún caso o custo de adquisición dos gastos subvencionables poderá ser superior ao valor de mercado.

Os gastos contemplados neste convenio deberán referirse a gastos derivados do desenvolvemento do programa Universitario de Maiores IV Ciclo. En ningún caso poderán xustificarse gastos derivados da compra de bens inventariables, consonte o artigo 31 da Lei 38/2003.

Esta subvención, de acordo co sinalado no artigo 28.3 a) da Lei 38/2003, do 17 de novembro, xeral de subvencións, ten carácter singular co obxecto de facer realidade e por en práctica os obxectivos expostos, tendo en conta a especificidade do obxecto da colaboración, e consonte o previsto no artigo 26.2 a) da Lei 9/2007, do 13 de xuño, de subvencións de Galicia, emprega o procedemento de convenio de colaboración, polo que non procede a súa convocatoria pública.

V.- A USC deberá xustificar o orzamento de este convenio con data límite do 10 de novembro do ano 2023.

VI.- O orzamento recollido neste Convenio destinarase a sufragar os gastos do Programa “Destacando na Ciencia” dentro da Programación do IV CICLO do ano 2023.

VII.- A USC comprométese a promocionar e difundir este programa e a presentar unha Memoria das accións incluídas neste programa, onde se faga referencia as actividades que se promoven e outros datos que permitan ao Concello de Santiago estar informados en todo momento sobre o mesmo.

VIII.- Se o custo total da actividade subvencionada resultase ser menor que o contemplado para a concesión da subvención ou se reducisen na execución da actividade subvencionada as actuacións ou elementos previstos como integrantes da mesma, procederá a redución da subvención na mesma proporción.

A comunicación destas circunstancias ao Concello deberá efectuarse no momento en que se coñeza e, en todo caso, con anterioridade á xustificación da aplicación dada aos fondos recibidos.

IX.- Para a xustificación do orzamento a USC comprométese a xustificar os gastos, de acordo co fin para o que se concedeu a subvención, que deberá realizarse presentando no Rexistro Xeral do Concello de Santiago a conta xustificativa con achega de xustificantes de gastos emitidos e pagados con data límite do 10 de novembro de 2023, consonte o artigo 72 do Real decreto 887/2006.

A conta xustificativa conterá ademais a seguinte documentación:

- Unha relación detallada doutros ingresos ou subvencións que financiasen o proxecto ou actividade subvencionada, con indicación do importe e da súa procedencia.
- Declaración das subvencións solicitadas, concedidas ou que aínda están pendentes de conceder.
- Unha relación clasificada dos gastos da actividade, con identificación do acredor e do documento, o seu importe, data de emisión e, no seu caso, data de pagamento. As facturas deberán recoller o número de CIF, a data, número de factura e o IVE. Estes xustificantes quedarán a disposición do Concello de Santiago. Non se admitirán facturas que non reúnan as esixencias previstas na normativa reguladora das obrigas de facturación (RD 1619/2012, do 30 de novembro). Será esixible a achega de facturas electrónicas e/ou copias dixitalizadas compulsadas das facturas orixinais en papel, reflectíndose nunha táboa todos os gastos acreditados mediante as mesmas, indicando o importe que se imputa á subvención (total/parcial).
- Declaración responsable acreditativa dos seguintes extremos.
 - o Que os xustificantes acreditativos dos gastos que se presenten se aplicaron á actividade subvencionada.
 - o Que foron aboadas aso seus expedidores ou, no seu caso, aos titulares do dereito que incorporan.
 - o Que se atopa ao corrente das súas obrigas tributarias e coa Seguridade Social, para os efectos previstos no artigo 31 da Lei 9/2007, de subvencións de Galicia.

X.- Antes de proceder ao pagamento da subvención a beneficiaria deberá acreditar estar ao corrente das súas obrigacións tributarias e coa Seguridade Social e non ser debedora por resolución de procedencia de reintegro, o que poderá realizar por medio dunha declaración responsable, ao abeiro do artigo 31.7da Lei 9/2007, de subvencións de Galicia.

XI.- A axeitada xustificación da subvención, a realización da actividade subvencionada e o cumprimento da finalidade que determinou a concesión será comprobada polos servizos da Concellaría de Educación.

XII.- A beneficiaria deberá facilitar toda a información que lle sexa requirida pola Concellaría de Educación e pola Intervención xeral municipal, Tribunal de Contas e Consello de Contas no exercicio das súas funcións de fiscalización e control do destino das subvencións.

XIII.- O incumprimento destas obrigas dará lugar á revogación da subvención. Producirase a perda do dereito ao cobramento total ou parcial da subvención no suposto de falta de xustificación ou de concorrencia dalgunha das causas previstas no artigo 37 da Lei 38/2003.

XIV.- De acordo co disposto no artigo 18.4 da Lei xeral de subvencións deberase dar axeitada publicidade do financiamento do Departamento de Educación do Concello de Santiago de Compostela para este convenio (tanto na comunicación oral, na dixital como na escrita). Para tal efecto, o Departamento de Educación facilitará a USC o logotipo oficial que deberán utilizar na documentación e información visual e escrita. Así mesmo, de conformidade co establecido no artigo 18 da Lei 38/2003, de 17 de novembro, xeral de subvencións, o presente instrumento de colaboración e a información sobre a subvención serán comunicados á Base de Datos Nacional de Subvencións (BDNS).

XV.- O presente convenio estará vixente durante o ano 2023.

XVI.- Para o seguimento, vixilancia e control de execución do convenio e dos compromisos adquiridos, créase unha comisión de seguimento que estará formada polos seguintes membros:

-Polo Concello de Santiago: A Concelleira de Capital Cultural, Turismo, Educación e Memoria Histórica e un técnico do Departamento de Educación.

-Pola Universidade de Santiago de Compostela: A Vicerreitora de Estudantes e Cultura e a Directora do IV Ciclo Universitario.

Así mesmo, esta comisión encargárase da resolución, de xeito amigable, das eventuais discrepancias xurdidas na interpretación e cumprimento do convenio.

Os comparecentes, no seu concepto no que o fan, dan a súa conformidade ao presente convenio de colaboración, asinándoo de xeito electrónico nas datas expresadas en cada unha das sinaturas.

**Polo Excmo. Concello de
Santiago de Compostela**

**Pola Universidade de Santiago de
Compostela**

Goretti Sanmartína Rei

Antonio López Díaz

Sinaturas dixitais / Firmas digitales / Digital signatures

Asinante/Firmante/Signer: GORETTI SANMARTIN REI, NIF ***7027**, 26/10/2023 13:12:24.

Asinante/Firmante/Signer: ANTONIO LOPEZ DIAZ, REITOR, UNIVERSIDAD DE SANTIAGO DE COMPOSTELA, 26/10/2023 12:38:58.

CSV: 4E33-6556-4AAB-96B2